

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA ČELIĆ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND  
HERZEGOVINA  
TUZLA CANTON  
ČELIĆ MUNICIPALITY  
MUNICIPAL MAYOR

Tel: 035/668 650  
Fax: 035/668 672  
Broj: 02-45-939/23

A. Izetbegovića 60-2. 75246 Čelić  
E-mail: info@opcinačelic.ba

Čelić, 01.08.2023. godine

Na osnovu člana 72. stav 3. tačka c), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22)(u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 02-45-939/23 od 01.08.2023.godine, u postupku javne nabavke radova “Radovi na sanaciji objekta i ugradnji ograde na stadionu NK Ratkovići, MZ Ratkovići, općina Čelić”, Općinski načelnik donosi:

### **ODLUKU**

#### ***o dodjeli ugovora trećerangiranom ponuđaču***

#### **Član 1.**

Prihvata se preporuka komisije za nabavku broj: 02-45-939/23 od 01.08.2023.godine i ugovor o izvođenju radova “Radovi na sanaciji objekta i ugradnji ograde na stadionu NK Ratkovići, MZ Ratkovići, općina Čelić”, dodjeljuje se ponuđaču d.o.o. „Papilon“ Koraj-Čelić, ponuda broj: 24/23 od 08.05.2023.godine, zaprimljena na protokol ugovornog organa dana 09.05.2023.godine, po ponuđenoj cijeni, a nakon održane e-aukcije, u iznosu od 39.950,00 KM bez PDV-a.

#### **Član 2.**

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u Tenderskoj dokumentaciji broj: 02-45-939/23 od 03.04.2023.godine.

#### **Član 3.**

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

#### **Član 4.**

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-45-939/23 od 29.03.2023.godine. Javna nabavka radova “Radovi na sanaciji objekta i ugradnji ograde na stadionu NK Ratkovići, MZ Ratkovići, općina Čelić” provedena je putem otvorenog postupka. Procijenjena vrijednost javne nabavke iznosila je 40.000,00 KM bez PDV-a. Obavještenje o nabavci broj: 306-1-3-44-3-17/23 objavljeno je na Portalu javnih



nabavki dana 03.04.2023.godine, odnosno ispravka za obavještenje o nabavci broj: 306-1-3-44-8-19/23 od dana 18.04.2023.godine.

Komisija za nabavke imenovana Rješenjem broj: 02-45-939/23 od 29.03.2023.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku dopunu zapisnika o pregledu i ocjeni ponuda broj: 02-45-939/23 od 09.05.2023.godine, Preporuku o izboru najpovoljnijeg ponuđača broj: 02-45-939/23 od 01.08.2023.godine i dopunu izvještaja o radu komisije broj: 02-45-939/23 od 01.08.2023.godine.

U postupku po Izvještaju i dopuni izvještaja o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: d.o.o. „Ratkovići“ Ratkovići, „MI TRADE“ d.o.o. Vražići i d.o.o. „Papilon“ Koraj-Čelić,
- da su blagovremeno primljene tri ponude,
- da je neblagovremeno primljena ponuda „Astra plan“ d.o.o. Brčko,
- da ponude ponuđača d.o.o. „Ratkovići“ Ratkovići, „MI TRADE“ d.o.o. Vražići i d.o.o. „Papilon“ Koraj-Čelić ispunjavaju kvalifikacione uslove predviđene Tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda utvrđeno je da ponude ponuđača d.o.o. „Ratkovići“ Ratkovići, „MI TRADE“ d.o.o. Vražići i d.o.o. „Papilon“ Koraj-Čelić ispunjavaju kvalifikacione uslove predviđene Tenderskom dokumentacijom, te su ocijenjene kao prihvatljive. Navedeni ponuđači su dostavili tražene dokaze zahtijevane Tenderskom dokumentacijom na propisan način. Dana 09.05.2023.godine u 10:05 sati, na protokol ugovornog organa, zaprimljena je ponuda „Astra plan“ d.o.o. Brčko, te je ista neblagovremena, pa je komisija u skladu sa članom 63. stav (1) Zakona i članom 15. Stav 6. Uputstva za pripremu modela tenderske dokumentacije i ponuda, vratila neotvorenu ponudu navedenom ponuđaču.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 12.05.2023. godine u 15:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 15.05.2023. godine u 07:37 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljnija ponuda ponuđača „MI TRADE“ d.o.o. Vražići, sa najnižom ponuđenom cijenom od 29.882,34 KM bez PDV-a.

Ugovorni organ je dana 31.05.2023. godine zaprimio žalbu odabranog ponuđača d.o.o. „MI-TRADE“ Vražići na Odluku o izboru najpovoljnijeg ponuđača broj: 02-45-939/23 od dana 16.05.2023. godine. 02.06.2023.godine ugovorni organ proslijedio je žalbu i dostavio izjašnjenje Uredu za razmatranje žalbi - Filijala Mostar. Ured je dostavio Rješenje kojim se žalba odbija kao neosnovana dana 10.07.2023.godine. Ugovorni organ je 11.07.2023.godine proslijedio odabranom ponuđači „MI-TRADE“ d.o.o. Vražići ugovor o izvođenju radova na potpis. Dana 18.07.2023.godine, odabrani ponuđač „MI-TRADE“ d.o.o. Vražići dostavio je ugovornom organu Obavijest broj: 6/23 u kojoj navodi da odustaje od potpisivanja ugovora u predmetnom postupku. S tim u vezi, a u skladu sa članom 72. stav 3. tačka c) Zakona



komisija je dala preporuku ugovornom organu da ugovor o izvođenju radova dodijeli drugorangiranom ponuđaču d.o.o. „Ratkovići“ Ratkovići sa ponuđenom cijenom od 29.921,56 KM bez PDV-a.

Dana 31.07.2023.godine, odabrani drugorangirani ponuđač d.o.o. „Ratkovići“ Ratkovići dostavio je pismeni odustanak od potpisivanja ugovora broj: 91/23. Shodno navedenom, a u skladu sa članom 72. stav 3. tačka c) Zakona komisija je dala preporuku ugovornom organu da ugovor o izvođenju radova dodijeli trećerangiranom ponuđaču d.o.o. „Papilon“ Koraj- Čelić sa ponuđenom cijenom od 39.950,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b), člana 72. stav 3, tačka c) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

#### **Uputstvo o pravnom lijeku**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

Dostavljeno:

1. Ponuđačima (3x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi

